

Bolaodi ba Meedi ba SARS bo hapa Crystal Meth Boemafofaneng ba Matjhaba ba OR Tambo

28 Phato 2022 - Bahlanka ba Bolaodi ba Meedi ba Ditshebeletso tsa Lekgetho tsa Afrika Borwa (SARS) mane Boemafofaneng ba Matjhaba ba OR Tambo, ba kgaoleditse morwalo o ka hara dipalete o neng o leba mane Australia. Moqeqeko ona o neng o tsebahaditswe hore ke *Multi-Purpose Anti-Slip Mat* eitse ha o hlahlojwa, ha fumanwa hore o patile *Crystal meth* ya boima ba 785 kg eo boleng ba yona mebileng e leng R236 million.

Ka mora katleho ena, Ditshebeletso tsa Sepolesa sa Afrika Borwa ka Bolaodi ba Diphuputso tsa Ditlolo tsa Molao tse itlhommeng pele (HAWKS) ba ile ba tsebiswa ka ho fumanwa le ho hapuwa ha dithoto tsena mme tsa nehelwa ho bona hore ho etswe diphuputso tse ding.

Khomishenara ya SARS Mong. Edward Kieswetter, o thoholeditse matsapa a bahlanka ba Bolaodi ba Meedi a ho thibela ho nyenyelipisuwa ha dithethefatsi tsena. O itse "Ke batla ho romela temoso e hlakileng ho maqulwana a dinokwane a sebedisang makeno le matso a naha ya rona ho etsa bonokwane bo tjena hore bahlanka ba rona ba dutse ba butse mahlo le ho sebetsa ka thata ho fedisa bonokwane bona bo tjena. Tshebedisano e hlwahlwa le diakgente tse ding tsa phethahatso ya molao madibohong ana di kgontsha rona bohle ho thefula diketsahalo tsena tse seng molaong".

Ho fumana lesedi le fetang lena, ka kopo ikopanye le SARSMedia@sars.gov.za



